



СВІТОВИЙ КОНГРЕС РУСИНІВ WORLD CONGRESS OF RUSYNS

Svetový kongres Rusínov, Duchnovičovo nám. 1, Prešov 081 48, Slovak Republic
Tel.: 00421/51/7725629, e-mail: rusyn@stonline.sk

16. XI. 2006

His Excellency
Ivan Vujačić, Ambassador
Embassy of the Republic of Serbia
2134 Kalorama Road, NW
Washington D. C. 20008

Ваша Екселенційо,

У мене Шветового конгреса Русинок посилам влади Сербії винчованку з нагоди витвореня самостойней держави у фамилии европских народох. Република Сербия, у склопе дакедишней Югославиї и тераз як самостойна, дошлїдно витворїовала политику прихильности гу рускей меншини, хтора переважно жиє у Войводини. Така политика прихильности познате же постої и то помага кандидатуру Сербії за уход до Европскей Унії.

Постої, медзитим, едно питане на яке ми з уважованьом глєдаме пояснене. То питане жеми матичней нації, або *матичней жєми*, як є у Сербії формуловане. Познате нам же дакедишня Социалистична Федеративна Република Югославия (у складзе зоз уставом од 1974 и вироятно Федеративна Югославия од 1972) уведла тропаритетни систем за класификоване розличних националносцох у єй гранїцох: *народи* (як цо то Сєрби, Горвати, Словєнци и други), *народносци* (Албанци, Мадяре, Румуне итд.) и *етнічни групи* (Бунєвци, Роми, Шокци итд.). У пракси, *народи* були державотворни народи цо жили у своєй “националней” держави-рєпублики у рамикох Югославиї, док *народносци* и *етнічни групи* були национални меншини чия култура и язики мали одредзену законску зашциту. Пре якуш причину, у дакедишней Югославиї людзе могли буц припознати як *народносц* кед тота група (Мадяре, Румуне итд.) мали їх “власну” державу дагдзе индзей. Тоти людзе хтори були без держави дагдзе индзей, були попросто етнічни групи зоз меншима правами як народносци.

У уставе покраїни Войводини у рамикох югославянскей рєпублики Сербії од 1974 року, медзи штирьох меншинами признатима як *народносц* були и Руснаци. З цильом же би мали таке положєне, медзитим, Руснаци мушєли мац їх “власну” державу або *матичну жєм* дагдзе индзей. Пре даяку причину, було сугєроване же матична жєм войводянских Руснацох то Україна.

Representation in / Заступництво:

Canada, Croatia, Czech Republic, Hungary, Poland, Romania, Serbia, Slovakia, Ukraine, United States of America

Ми тримаємо же такі становища концептуально і фактивно погіршені. Концептуально, народи то народи, без огляду чи дакеди през історію мали свою власну державу. Цо вецей, розлика помедзи державотворними народами і національними меншинами нема іншакей основи, лем же служи політичним потребом держави (соціалістичней Югославії) хтора вецей не иснує.

Кед, медзитим, терашня самостойна република Сербія жада затримац таку розлику помедзи *народами* (цо значи державотворними Сербями) і *народносцями* (національними меншинами уключуюци і Руснацох), і кед же одредзини людзе, же би були *народносц*, муша мац *матичну жем* дагдзе индзей, вецка то не оправдане тримац же Руснацом Україна матична жем. У першим шоре, векшина Руснацох хтори ше приселели до Войводини у осемнастим і на початку дзевятнастого віку походза зоз влалох хтори тераз у восточней часци Словацкей і сиверо-восточней Мадярскей. З того виходзи, значи, же *матична жем* Руснацом у Сербії то або Словацка, або Мадярска, але ніяким концом то не Україна.

Ширше патрено, знаме же ше Европа сости і з державотворних народох і з бездержавних народох. Флеминци не меней Флеминци прето же не маю свою “власну” державу. А цо би була *матична жем* Баскийцом, єдному з найстарших європейских народох: Шпаниа чи Француска? Фактично, *матична жем*, або точнейше поведзене, *жем матичней нації* Флеминцом то Фландія (у рамикох Белгії і часточно Францускей); *жем матичней нації* Баском то Еускадія (у рамикох Шпаниї і часточно Францускей). У складзе зоз тим прикладом, *жем матичней нації* Руснацом то Карпатска Рус (у рамикох Польскей, Словацкей, України і Румунії).

Ми, медзитим, гледаме од влади Сербії толковане слідуєчого питаня: чи ше зоз законом Сербії вимага же би *народносц* мала власну державу дагдзе индзей? Кед же то ише вше законске условіє, вец вериме же сербски політичаре препознаю мудросц Європейскей Унії, хтора припознава і державотворни і бездержавни народи, і же попри Фландрії, Еускадії, Лапонії і числених других історийних регионох, Карпатска Рус будзе прилапена як *жем матичней нації* войводинских Руснацох.

Вашо поясненє о наведзеним, помогне нам у розгваркох зоз офіційними органами Європейскей Унії хтори водзимо у мєно Руснацох без огляду дзе жию.

Ваш з почитованьом,



Проф. Др. Павло Р. Магочи,
Председатель